

同胞誰悟水中金己卯壬辰各自尋顧我已歸雲水老勸兒休
起利名心恩山愛海何時徹火宅凡籠每日侵莫爲土坡牽惹
住蓬萊別有好高岑

修行助饑寒者唯三事耳乞覓上行符中設藥下空如此
無作用亦未是

乞覓行符設藥人將爲三事是修真內無作用難調氣外有勤
勞易損神不向本來尋密妙更於何處覓元因此中搜得長春
景便是逍遙出六塵

王公求放生

知公能作自身觀物命於人沒兩般只是形骸分別異便令飛

道藏輯要

重陽全真集

六

上胃集一

走復全完仁同山嶽橫恩嶺德洽江河注福湍陰理無差皆盡
報捧其仙壽在仙壇

題麻真人觀

躬參真聖望崑崙巖巒影嵐光鎖太虛秀氣銳招閒客至害風堪
與彩雲居黃金鑄就真靈性白玉裝成舊始初休說終南山色
好神仙何處不如如

問龍虎交媾

莫問龍兒與虎兒心頭一點是明師烝調神定呼交媾心正精
虔做煦熙平等常施爲大道淨清不退得真慈般般顯現圓光
就引領金丹採玉芝